


docriver 文庫網
入駐商家
在文川網搜索古籍書城 获取更多電子書

中國方志叢書·華北地方·第二六號

據清·孫銘鐘等修彭齡纂
光緒九年刊本
影印

陝西

沔縣志



成文出版社有限公司印行



中華民國五十八年 月壹一版

沔縣志

全一冊

發行人：**黃成助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

沔縣志序

郡邑之有志也將以徵文考獻存古勵今爲守土者治
地方之本而於鄉賢節烈動邑人士廉頑立懦之心所
繫綦重不可闕也余自蒞任陝安先求郡志閱之則自
嚴樂園先生續修之後已餘六十年中經大亂事蹟人
物之應紀者宜不少且志板已燬於兵火亟思設局而
輯纂焉惟以十二邑之廣數十年之久非多延士夫采
訪勢不能徧而經費難籌將待民力稍紓而爲之適聞
前沔令孫君屬邑人彭廣文齡輯沔志力加慇懃迨羅

docsriver 文川网
入驻商家 古籍书城

在文川网搜索古籍书城 获取更多电子书

令蒞任而稿成示余擷之門分類別釐爲八卷自維志
乘之學實甚疎淺而所閱者殊不少其著名如武功各
志或經三復矣今閱沔志知其自康熙四十九年錢青
山大令以五晝夜之力手成舊志一卷之後殆近二百
年今乃復有此八卷懿歟難矣惟其中有與他志不類
者爰倩胡定峯拔萃爲之校閱訂正不免有移易增汰
之處久之釐成四卷期足以志沔而使邑人士讀之得
畧知古今文獻欣欣然有所嚮往並以獎勸節烈豈不
美哉因序之俾早梓行或足爲他邑修志之先聲也與

光緒九年六月權陝西按察使陝安觀察使者張端卿撰

沔縣志目錄

卷一

天文志

經緯

星野

地理志

輿圖

山水

幅員

形勝

道路

關隘

堡寨

水利

物產

古蹟

邱墓

風俗

卷二

建置志

沿革

城池

公署

驛傳

舖舍

祠祀

義地

賦役志

地丁

俸工

倉儲

稅課

戶口志

卷二目錄

學校志 學校 學額 書院 義學

武備志 營制

官師志 知縣 教諭 訓導 主簿 典史 驛丞

千戶 百戶 都司 千總 把總

卷三

科第 選舉 鄉賢 孝義 列女

卷四

藝文志 文 詩 雜記

重輯沔縣志銜名

鑒訂

欽加三品銜 賞戴花翎補用道署分巡陝安兵備道勞文翽
欽加二品銜分巡陝安兵備道翰林院編修張端卿
欽加三品銜特授漢中府知府護理陝安兵備道奇 臣

編輯

沔縣 知縣

孫銘鐘

署沔縣 知縣

傅錫

署沔縣 知縣

羅桂銘

河渠記
特授沔縣知縣

施劬

纂述

廩貢生靖邊縣訓導

彭齡

校閱

己酉科拔貢生

胡丙煊

沔縣志卷一

天文

經緯

經度在京師偏西十度零三分

節氣早晚日食先後以經度爲差

緯度北極出地三十三度一分十二秒

縣境西南北三面皆山惟東面豁然平曠故朦影不齊茲以治城爲主凡村墟之遠近按里通之南行四里六分里之一則減一分北行四里六分里之一則

加一分也

星野

明邑侯萬言策志曰沔爲禹貢梁雍二州之交天文井
鬼分野晉天文志東井輿鬼鶉首之次其辰在未自井
九度至柳三度屬秦分觀星者可以察之矣錢青山邑
侯續修則曰沔屬漢漢屬秦秦爲禹貢雍州之域星分
井鬼史記天官志曰東井輿鬼雍州之分漢書地理志
曰自井十度至柳三度鶉首之次乃秦之分此舊志所
以有驗星井鬼之說也第唐歐陽詹以沔爲秦之坤蜀

之良蓋地界雍梁固不宜專屬之秦分考觜參爲益州之星則參井之交其沔之分野乎錢公之言如是夫次舍在天固有一定豈因地界之分合爲轉移哉且卽以分野言之漢中於禹貢爲梁州之域上直參宿九度沔在漢中之西僅百餘里並參之十度不及烏得以今時隸陝西行省遂舉雍州之井鬼以當之乎况古法先觜後參今法先參後觜以觜今無度故轉以參度屬觜卽所謂參宿九度者已易其名何如地平緯度有朦影足憑偏西經度以京師爲據也故略舉經緯而附論如此

地理脩十五里

河縣疆域圖






每方二十五里

而共八十里至峽口驛交畧陽縣界

正西八十里至板廟子交寧羌州金壩鋪界

西南一百里至漆樹嶺交寧羌州界又一百里至白崖河交畧羌界



docsriver 文川网
入驻商家 古籍书城

在文川网搜索古籍书城 获取更多电子书

山

沔在羣山之中山可名者不少而見於省志郡志舊縣志者二十餘耳大抵近縣治及官道者也列之於前設者正之出界者去之其未及者則按經絡補於後其道里則不及詳矣

玉簪山在縣西南一里陟巔下望井邑廬舍畢見殊足供登覽也案此卽老虎溝東之第一峯

魚山在縣西南五里下臨沔流形如魚之遊泳焉高家泉在其麓案此卽老虎溝西第一峯老虎溝又名貓

兒溝爲古魚孔隘

旗竿山在縣東南五里俗呼插旗山相傳黃漢升曾插旗於此孤峯突立高出雲表案此卽左所西南之山定軍山在縣東南十里上則兩峯屹然而對峙下則河流滂然而環繞中容萬軍漢建安二十二年黃忠斬魏夏侯淵於此先主遂取漢中而王之陳兵沔陽受璽綬宋紹興三年金人陷洋州逼興元劉子羽邀吳玠同守定軍山卽此山也山下則武侯墓在焉相傳八陣圖亦在山北麓圖聚細石爲之各六十四聚又

有二十四聚分列兩層每陰雨輒聞鼓聲山南有凹
名仰天窪亦足以駐萬軍而非登高視之則不見綱
目質寶山有諸葛巖讀史方輿紀要山下有武侯督
軍壇隴蜀餘聞顧璘云武侯兵書匣在定軍山上壁
立萬仞非人跡可到余兩經其地初視匣其色淡紅
後則鮮明若更新者殆不可曉諸書所登古蹟最不
可據者莫如兵書匣顧氏乃親見之哉考武侯祠墓
志其上尚有遮箭牌斬將橋琉璃井遺址銅蒺藜則
時復出土人多藏之

臥龍山在縣北一里有蓮花池傳爲卧龍所栽歲放數
花間開並蒂瑞應科名旁有孔明讀書臺其下西泉
在焉舊建卧龍亭及祠宇三楹今廢

雷公山在縣北二十里上有元岳觀時聞雷聲殷殷出
其間也案古名清涼山因泉得名耳泉在山腰明季
遭流寇之亂縣人保焉相傳賊來攻之雷電逼退因
改今名武侯祠志謂山高三千餘仞爲羣山之祖信
然六月初旬邑士女爭赴拜兼避炎暑至十九日止
輒有滂沱大雨自昔謂之洗山雨

斷頭崖卽古龜山在縣北五里方家壩之東自澧口望之孤出連峯有如蹲龜

鐵山在縣北五里山勢極稱險峻麓開平地宋興隆間姚仲置寨其內以拒金人讀史方輿紀要劉子羽曰川口有鐵山棧道之險謂此也案前漢地理志沔陽有鐵官後漢郡國志沔陽有鐵其鐵山之所由名與今方家壩西山上相傳有瓦子坪爲明鐵義寺基址俗呼抗家山當卽古之鐵山

天盪山在縣東北十六里與定軍山南北相對相傳爲

魏武駐兵時屯糧之地夏侯淵曾扎營於此山腹有
米倉山圓若覆盂其上舊有淮陰侯廟蓋因暗渡陳
倉由此也趙雲別傳夏侯淵敗曹公爭漢中地運米
北山下數千萬囊黃忠以爲可取雲兵隨忠取米忠
過期不還雲將數十騎輕行出圍迎視忠等值曹公
揚兵大出雲爲公前鋒所擊方戰其大衆至勢偏趨
前突其陣且鬪且卻公兵散已復合雲陷敵還趣圍
將張著被創雲復馳馬還營迎著公軍追至圍此時
沔陽長張翼在雲圍內翼欲閉門拒守而雲入營更

大開門偃旗息鼓公軍疑有伏兵引去雲播鼓震天
惟以戎弩於後射公軍公軍驚駭自相蹂踐墮漢水
死者甚多先主明日自來至雲圍視昨戰處曰子龍
一身都是膽也作樂飲宴至暝軍中號雲爲虎威將
軍案此卽邊西寨北之山

武興山在縣東北二十里東臨舊州河西接百丈
褒州城在此讀史方輿紀要蜀漢置武興督蓋以山
名也

五泉山卽古蓬山在縣東北五十里以山陰有泉五眼



其水屈曲出柳溝入黃沙河黃龍岡正其餘氣也

雞公山在縣東北八十里山形峻拔有雄雞竦立將領羣雛之勢案此在舊州舖河黃沙河之間

灌子山在縣東南四十里山神廟貌稱靈應下有源泉灌溉民田故名案此卽水經注之女卽山山在今小中壩山不甚高而林木蔚然郡國志云梁州女郎山張魯女浣衣於上女便懷孕生二龍及女死將殯柩車忽騰躍升此山遂葬焉其水旁浣衣石猶存

走馬嶺卽古白馬山在縣西一里一名烽燧山漢時舉

烽於上故名水經注謂之白馬寨張魯治讀史方輿紀要白馬城以旁有白馬山山石如馬望之逼真也灰堆山卽古金堆山在縣西七十里案此卽銅錢壩北之山山北卽茶店子

大鐘山小鐘山卽古大小丙山在縣西北八十里自蔡壩迤北兩山相連

珈珂山卽古潭毒山在縣西北八十五里宋紹興三年金撒離喝入興元劉子羽調吳玠兵守仙人關而自保潭毒築壘山上以是山峻拔寬平且有水也壘方

成金兵猝至距營十數里子羽坐胡牀不動諸將泣告曰此非待制坐處子羽曰子羽今日死於此敵尋以饋餉不至引衆去子羽出師掩擊其後大敗之盡掠輜重而歸雍大記在舊大安軍之三泉今沔縣地案此卽板廟子北之山也

卓筆山在縣南二十五里峰巒削起狀如卓筆下出聖水亢旱不涸宋元時禱雨多應勅封靈濟龍王相傳遺碑猶存在今土關舖龍王溝中山下居民姓宋土人云此龍曾聚宋氏之女爲夫人言之娓娓附之以

廣異聞

龍門山在縣南六十里石穴高數十丈其狀如門案卽
今阜川金家溝之龍洞也出太湖石剔透瓏玲

水

沔境之水以漢爲大爲衆水之歸亦爲衆水之綱其入
境在縣西四十里而再西六十里則源頭在焉卽禹
貢所謂嶓冢導漾東流爲漢也按嶓冢山在今甯羗
州烈金壩之西北山海經謂漢出鮒嶠山殆嶓冢之
別名緣溪入約四五里抵山麓有石洞高厰如屋寬

可四五丈洞口一石宛似牛牛身苔蘚斑駁中見蚪
 蚪字痕傳為神禹鎮海眼所作牛旁有陟莫測淺深
 俯聽之若萬頃波濤洶涌於下由洞下行陂陀約四
 五十丈亂石中有穴如半月寬二尺許水源從地底
 噴薄上出聲若殷雷天將雨聲愈大石罅之水倒濺
 橫迸如晶珠其名漾殆以是與導而南流至烈金壩
 之西五丁峽峽即金牛水西流過響水溝即水經注之
 而右來會之又東至大安驛古三泉縣之東過南流
 之大安河又東過北流之鍊籠溝又東至金堆鋪過

docsriver 文川网
入驻商家 古籍书城

在文川网搜索古籍书城 获取更多电子书

南流之冷水溝入沔界

又東至青羊驛

北在水

過南流之鴻崖溝

源出

又東至蔡壩

北在水

之西過南流之蔡壩河

源出大鐘山卽大丙山故滕志有丙水之名下爲高

洞溝崖寺溝二溝合爲蔡壩河

又東至沔陽山

南在水

過東北流之白崖河

源出甯羗白崖洞別有玉帶河

俗名南河

源出甯羗箭

竹嶺過洄水河至州城從南山北畔轉城西而北而

東復與南接若圍帶然下至兩河口與白崖河會遂
統名白崖河矣

又東至沮水鋪

在水北卽水經注之沮口

會於沮卽沔水也

在縣西三十里通志云沮水出縣北八十里母豬山
南流經縣北又南入漢沮口一名鳧口嚴志云源出
鳳縣俗名黑河一名北河經老林中數百里合諸山
之水共流可通小舟南流合於漢卽沔水也今按出
鳳縣名黑河之水發源於流西二溝在留壩紫柏山
之西南與陳倉溝中隔分水嶺俗名箭鋒埡埡南之